



SAOPŠTENJE ZA JAVNOST

Potvrđena optužnica zbog Zloupotrebe položaja i ovlaštenja

(Brčko, 16.01.2026. godine)

Osnovni sud Brčko distrikta BiH potvrdio je optužnicu protiv lica E.Z. (57)* iz Brčkog i privrednog društva "KVADAR" d.o.o. Brčko distrikt BiH, zbog osnovane sumnje da je E.Z. (57)* u svojstvu direktora navedenog privrednog društva izvršio kvalifikovani oblik krivičnog djela "Zloupotreba položaja ili ovlaštenja" iz člana 377. stav 3) Krivičnog zakona Brčko distrikta BiH.

Predmetnom optužnicom, licu E.Z. (57)* iz Brčkog na teret se stavlja da je u svojstvu bivšeg odgovornog lica u ime i za račun privrednog društva "KVADAR" d.o.o. Brčko distrikt BiH, kao zakupodavac u periodu od 2006. do 2020. godine zaključio i potpisao ugovor o dugoročnom zakupu poslovnog prostora koji se nalazio u prizemlju zgrade u ulici Bosne Srebrene broj 7, iako je znao da predmet zakupa nije u vlasništvu navedenog privrednog društva, obzirom da je nosilac prava svojine na predmetnim poslovnim prostorom u zemljišnim knjigama upisan Brčko distrikt BiH. Na opisani način, optuženi je izvršenjem krivičnog djela pribavio protivpravnu imovinsku korist za privredno društvo "KVADAR" d.o.o. Brčko distrikt BiH u iznosu od 1.245.600,00 KM, a za isti iznos je Brčko distriktu BiH pričinio materijalnu štetu u vidu izgubljene dobiti zbog nenaplaćene zakupnine u navedenom periodu.

Istovremeno sa podizanjem ove optužnice, Tužilaštvo Brčko distrikta BiH je na osnovu člana 35. stav 2), člana 392. i člana 396. Zakona o krivičnom postupku Brčko distrikta BiH, a shodno članu 114, 115 i 144 Krivičnog zakona Brčko distrikta BiH podnijelo prijedlog za oduzimanje imovinske koristi pribavljene krivičnim djelom od privrednog društva „KVADAR“ d.o.o. Brčko distrikt BiH u iznosu od 1.245.600,00 KM.

U daljem toku ovog postupka, Osnovni sud Brčko distrikta BiH zakazati će ročište za izjašnjenje o krivici optuženog lica.

****Ovom objavom ne prejudicira se ishod krivičnog postupka i ne narušava princip presumpcije nevinosti. Svako se smatra nevinim dok se pravosnažnom presudom ne utvrdi njegova krivica.****

**VRŠILAC DUŽNOSTI
GLAVNOG TUŽIOCA
RADMILO IVANOVIĆ**